

魯齋全書卷之六

四川按察司副使河內郝綰玉

翰林院修撰 經筵講官懷慶府何瑋粹夫校正

河內縣知縣關西高傑冠英刊行

詩章

觀物

其一

裸袒遊市門逢人遽侵侮俄而被捶撻號痛淚如雨
若輩備不靈妄動招危傾云何大夫士亦甘此由行
行路細如縷間關何權數久久成拙謀一往竟不悟



我始窺其端居寬尚盤桓盤桓非懦怯後事當無難
其二
物產天地間精粗據兩偏兩偏互倚伏一氣常周旋
善善不可緩安安貴能遷人生喻此意自當心乾乾

其三

萬物備吾身身貧道未貧觀時見物理主敬得天真
心爽星辰夜情欣草木春自憐斷喪後能作太平人

其四

事物形雖同中間勢各異推遷無寧期倏忽幾易位
智者識機微安焉處平易人生貴無私莫使聞見累

遊黃華

我生愛林泉俗事常鞅掌十年苦煩劇一念愈傾仰
峯巒看盡圖雲煙入想像久成心上癖欲忍不可強
荷有敬齋公恒以善相長携我遊黃華一洗塵慮爽
行行嘆竒絕舉目皆勝賞鏡臺聳百嶮瀑布落千丈
石苔積重痕溪風動幽響使我躁競息使我心志廣
恍如夢中身翱翔千古上回首聲利場誰能脫塵網
我老得仁心動作皆可像還家擬鄰居求田冀接壤
便許樸鈍質於此靜中養此詩與聞道黃華一題

訓子

干戈恣爛熳無人救時屯中原竟失鹿滄海變飛塵
我自揣何能能存亂後身遺芳籍遠祖陰理出先人
俯仰意油然此樂難擬倫家無儋石儲心有天地春
况對汝二子豈復知吾貧大兒願如古人淳小兒願
如古人真平生乃親多苦辛願汝苦辛過乃親身居
畎畝思致君身在朝廷思濟民但期磊落忠信存莫
圖苟且功名新斯言殆可書諸紳

有感

嬌兒未成人病苦不肯退憂傷動中懷惓惓心欲碎
老妻情更惡中夜泣相對何如早還歸山陽墳隴在

平生所願心展轉不得遂十年誤同遊回首只多愧
病連肝肺深因覺妻子累悠悠故鄉情滴滴眼中淚
孤死知有立人生戀鄉土我心久焦勞宿疾安能愈
所貴還故鄉微骸近先祖他事足嘆嗟西風動寰宇
歸興不可遏歸程待何時悠悠故鄉心一夕千里馳
西風動霄漢惓惓令人悲况我多病身天涯久棲遲
交游義難忘豈忍輕別離重念丘隴遠嬌兒正愚痴
因循死異邑後世將何遺所願經營日及此未全衰
樹桑牆以下開畦水之涓既得舒困難且可爲鋤基
幼無孝悌稱老無恩澤施唯有近先塋一死乃其宜

諸君苦留連雅意金蘭期我自無遐福形骸變焦瘠
生平尚求友得友還差池中懷起愁嘆欲別難爲辭
試問將居廬何日常西之緩急有擬議行止更無疑
作詩叙懇款爲報吾人知

送竇清淑

初來識君面此行見君心匡時有長策慮遠憂且深
俗親取近效雅意入幽沉人生貴所依所依貴知音
知音得長布身將比黃金我本貧賤士多思忝相尋
未得辦一飯胡爲遽分襟征鴻出遠塞西風動疎林
去去渺萬里何年酒同斟含情望無極白雲障孤岑

讀東門行

貴德德乃顯尚力力爲優二者各有時天運非人謀
舉世皆好義貧賤固可羞天下方事強聲譽將朽求
人生會此意出處皆無憂但恐利欲驅由非所當由
足攝虎狼尾手撩虺蛇頭一觸禍患機相尋遽難休
新聞李侯子快意復父讎雄名與英槩一日傾九州
羨事固可羨猶當究源流掘地得深澤積土爲高丘
造端起不平是果誰之尤君子甚謀始責躬重以周
弱德較強力明知勢難侔馳馬走峻坂中間豈容收
顛越既莫救豈得乘桴浮君不見群雀滿樹急喧秋

隋侯有珠不肯投一鴉死時一珠碎得輕失重非良
籌友之直諒仁可輔藥之瞑眩疾易瘳不知當日誰
與乃父爲交游又見一藁與此文少異重錄於左
貴德德乃顯尚力力爲優二者各有時天運非人謀
方其貴德時貧賤固可羞及其尚力世聲譽將何求
人生苟辦此出處皆無憂但恐利欲困由非所當由
足躡虎踉尾手擦虺蛇頭一觸禍亂機相尋未能休
所賴天挺才砥柱乃中流處義由而盡責身重以周
報復不至起冤恨無停留

送姚敬齋

凜凜姚敬齋風節天下奇終焉托君侯君侯賢可知
人生貴得友得友真朋龜責善善無遺輔仁仁克推
仁善既皆有受福將自期我來歌吉祥真情寄荒詩
一祈仁政蘇民疲一祈善政賑民飢豐功偉績鐫長
碑千年萬年感激人心無了時

梁侯壽

律管歲寒深梅花春意早君侯應嘉祥俊逸固傾倒
直氣與衆殊孤標能自保藹然仁者心慕悅古之道
視民猶視己重貴如至寶兒孫異傳習詩書入論討
忠鯁擬力輔姦汙期痛掃舍積有休徵天錫永難老

大山如蹲龍小山如踞虎烟嵐鬱蒼翠遠近互吞吐
我來蘇門居遨遊成樂土策杖望朝雲捲簾看暮雨
佳意豁塵腥勝槩入談塵使我鬱陶消使我勞瘵愈
生平鄙吝心一洗出千古回首聲名人何殊坐圜圜
遠役非素懷况有跋涉苦吟鞭梟春風遲遲如去魯
芳菲二三月追遊盛梅塢歸來願無違一觴相對舉
我愛林慮山不處莫路津茲焉幾千古絕彼朝市塵
我來成素交澹澹日益親形骸兩相忘誰主復誰賓

充然樂我飢怡然棲我神朝光連暮色佳意含餘春
心境一融會世味殊未真奕奕草木光熙熙禽鳥馴
衆物欣有托吾廬行亦新詩書誅而歸况有耆德鄰

病中雜言

人人都畏死來催我道人生死是歸但使牆陰無隱
慝不憂心外有危機得生本自神先宅未死誰知鬼
已依此理分明是天命便須相順莫相違

其二

花遞香風入短檣草抽新綠倚柴荆正憂多病作身
累還喜幽居見物情花爲可觀遭天折草因無用得

會齋金書卷六
欣榮世間巧拙俱相半不許區區智力爭

其二

莫怪新貧壓舊貧貧來尤覺此心真自憐孤力膺邪
議常勸幽居遠市塵千里烟霞山障曉一竿風月野
橋春憑誰寄問鄉間老我去何人願卜鄰

其四

磊落青山萬仞高虛崖絕險駭猿猱從誰得上崑龕
住免我從來俗事勞曉日烟霞明澗壑霽天霏靄散
林臯休言只好寬凝佇滿地干戈亦可逃

其五

但願吾兒會讀書不妨貧苦一錢無頭顱有肉元難
厚項頸生筋自合麓暗裏乘除皆造化分中操守是
良圖年來識盡榮枯理却笑蘇張見趣迂

其六

直須眼孔大如輪照得前途遠更真光景百年都是
我華夷千載亦皆人癡陰冷墮雲間雪和氣幽生地
底春此意若教賢會得也甘顏巷樂吾貧

其七

春來秋去客中情轉首光陰十歲經學苦煉成心下
赤愁多消却鬢邊青眼前世事番棋局夢裏家山憶

畫屏何日歸同林下友笑談書史有真馨

繼人葵花韻

戎葵花色耀深濃偏稱脩叢映短叢絳臉有情爭向日錦苞無語細含風舒開九夏天真秀壓倒千年畫史工但恨主人貧且窶不教相對舞衣紅

中秋不見月繼竇先生韻

撥去塵機得暫閑秋蟾思比去年看誰知黯黯陰雲合故作淒淒夜色寒好友不來傾綠蟻詩人徒想凭欄杆世間萬事難前定付與無心却較安

秋霖初霽

城外平波遠接天城中流水亦涓涓兩旬秋雨餘三丈一日人心抵十年忽覩濃雲捲空際便添喜色上眉巔憂歡旋逐陰晴改誰自曾中有大全

游孫氏別墅

聞道阿孫別業新招呼諸子共尋春紅韜瘦畝花初動黃染輕稍柳未勻興况便爲生意好風光殊比畫圖真何當對此常無事慰我年來老病身

病中有感

十載天涯客寄身今年憔悴不堪聞病來與死傳消息老去無家遺子孫故里歡游頻入夢春城凝眺獨

消魂如何藉我知音力五畝耕歸沁北村

十游黃華宮

聞道黃華山水好我來一覽氣增豪鏡臺對聳千峯
起瀑水驚噴萬仞高曉色雲烟生洞府霽天霏靄散
林臯憑誰早遂終焉計日月登臨不憚勞

國前七月望日思親

思却千思與萬思音容無復見當時草窓夜靜灯前
教疏圃春深膝下嬉將謂百年供色養豈期一日變
生離泰山爲礪終磨盡此恨綿綿未易衰

學題武郎中桃溪歸隱圖

武陵曾有避秦人人世高誇擬慕真不道當今異前
世在尋幽隱伴飢民紅芳未比紅衣好綠水爭如綠
酒醇營得一官裨聖政誰能康濟自家身

其二

桃溪將擬武陵溪只恐桃溪隱未宜詩卷久懷天下
詠畫圖今遣俗人窺嚴陵晦迹終垂釣韓伯韜聲猥
學醫此輩君侯休羨慕但當匡救主民疲

其三

桃溪風景寫橫披渾似秦人避乱時萬樹春紅羅錦
綺一灣晴碧捲琉璃飲中更聽琴聲雅靜裏初無俗

事羈他日君侯歸此隱肯容閑客日追隨
門外鞦韆擺翠烟籬邊鷄犬亦閑閑更教爛熳花千
樹對着縈紆水一灣好景已憑摩詰畫他年重約長
卿還尋思此世人心別又愛功名又愛山
果肯歸來學隱淪閑中別有一乾坤可人碧草自春
意入枕朱絃醒醉魂花滿春風看錦浪水明涼月話
黃昏此中意趣知多少莫對簪纓取次論

春雪

玉塵如糝滿東風人道天教兆歲豐麥已埋深郊外
綠花都封却樹頭紅半年枯槁從金潤千里芳菲是
處空爲問王孫與農叟憂歡應見兩難同

贈寶先生行二首

西山山下覓幽村水竹鄰居擬卜君豈意天書下白
屋便收行李入青雲功名准自英賢立得失防因去
就分萬里風沙渺南北請歸消息幾時聞

其二

莫厭風沙老不禁斯民久已渴商霖願推往古明倫
學用沃吾君濟世心甫治看將變長治呻吟亦復化

謳吟千年際會真難得好要先生着意深

謝梁安撫惠田

晚年幽興入幽居擬即諸侯置一區令德久思親
慷慨佳田今許乞膏腴太行西對千峯玉淇水東窺萬
斛珠幸着此身於此老願從樂正五人俱

用行甫韻

蛟鼉不肯脫淵深鳥雀還知宿茂林笑我羈孤成蹇
蹇于今衰老復駸駸困來未易追前事病久猶當屈
壯心聞道西溪田可得安栖從此有佳音

晚步西溪

拉友西溪往步聯西溪佳景麗秋天日回林影蒼烟
外風轉灘聲白鳥前迅走雙輪看磨巧連安獨木小
橋偏老年活計尋幽隱須擬岡頭置一廛

六氣不用味

反推之見其常用者

風關酸醎熱關辛火家甘味不須存濕甘辛味兼醎
味燥用甘醎亦未聞更有寒酸同一理司天司地不
區分

用吳行甫韻

老作民區百歲翁托身終不羨陳宮山田隨分有生
業儉德養廉真古風五畝桑麻舍前後兩行花竹路

西東幽人自愛幽居好未肯埋身利害中

九日思親

年年九日淚沾衣往恨傷心未易支兒望母時兒哭
母母尋兒處母啼兒兵塵擾擾關河迥風色瀟瀟草
木衰回首天涯謾凝涕悲風千里暮雲垂

偶成

屈指年華四十三歸來憔悴百無堪遠懷未得生前
遂俗事多因困後諳百畝桑麻負城邑一軒花竹對
烟嵐紛紛世態終休論老作山家亦分甘

李生器所恃

人生壽夭本難齊補養徒煩一例推醫到明時無百
中病方傳處有千岐醫能宛轉深求病病解問關巧
避醫生死於茲係天命莫將天命責人為

又

防病須防未病時病臨休恃藥能醫寸瘡潰處全身
死一息差來五臟危禁盜莫如先禁博存毛未必勝
存皮萬般補養終成偽只有操心是要規

荅董瑞卿二首

性鈍難開似石堅可當名與七人連中懷負報逃無
地老日歸休幸友賢但想諸兒傳世業豈虞千載綴

民編區區力穡何堪道不是顏家郭外田

其二

纒麪胼起掌中堅檐穗推高與項連涉世更誰如我
拙保身從昔慕君賢青山有約期終老白日無功閱
舊編慙負新詩未能謝且容竭力趁耕田

和姚先生韻

去去迷途莫問津來還唯恐不知真因時用舍固有
命與道卷舒宜在人百尺竿頭愁據險一庵床下樂
為鄰孰輕孰重何須論夢想故園桑柘春

呈友人

事愈沉機德愈真歸來豪氣盡崢嶸天占北史

謂岳臺判

禎祥應學閩西山謂真先生禮義精吾道真如千里重虛

名冷笑一毫輕十年淡社難相就今日先生合主盟

一作尋思淡社無人管
只合先生作主盟

登東城

步履上東城秋風晚更清亂雲隨日下荒草過堤平
野迥寬凝佇詩成促後生何當常似此慰我病中情

游北觀

扶杖古城荒飄然意可傷道宮烟鎖樹農舍雨頽牆
捕吏翻疑寇平人却笑狂長吁空仰首天際正蒼蒼

北門觀漲

雨水添新漲陂湖沒舊痕人迷堤口路船上樹頭村
歲事知前悞秋耕未可論誰憐徭役外天亦恡深恩

憶賈君玉

賈君清介士吾輩鮮能群守志王元伯甘貧范史雲
銅臺書廢讀東郡酒方醺何日尋先約青灯共夜分

病臥

一病連三載孤身萃百憂干戈良未已妻子若爲謀
生可陪諸弟歸當老故丘難忘終始義忍死更遲留
不寐

秋霄初感慨展轉不成眠老况青灯外羈愁白髮邊
蹉跎嗟往事安穩憶歸年却起開門望霜清月滿天

戲學老杜去蜀詩

十載他鄉寓千山故國賒如何虛度日不肯去還家
往事知難及餘生度可涯願言心益競無用苦傷嗟

別友人

良朋不易得此去復誰群別酒無勞勸濃愁已白醺
間關花外鳥冷淡日邊雲莫唱陽關徹離聲忍更聞

擬贈彥澤

友益愛曹君標孤出世紛壯懷期遠業高誼薄層雲

惡亂求山隱親賢願德薰我生良有幸歲晚得同群
秋雨思晴

秋稼方成實連霄雨未休肯接十日限都解萬民愁
天相逢奎見雲占過甲收西南風未起空憶霽光浮

喜秋晴

苦雨傷秋稼朝雲忽放晴瑤空雲盡捲滄海日初升
久客天涯興耕夫隴上情鷄豚并社酒處處是歡聲

喜晴

霽色開晴望春風破客顏綠紆東去水青起北來山
魏府方期往共城已夢還芳菲梅塢盛要醉竹花間

子仁改冠

聰明羨劉子奮勇入吾門大省仙家誤真知聖道尊
一簪除舊習千古立深根更願加勤苦詩書日討論

秋寒

秋晴快疑眺高步古城隈雲影水邊去一鴈行天際來
地偏幽意勝山遠畫屏開

趙氏南庄

曉起北窓涼清談戢羽觴入簾花氣重落地燕泥香
夢裏青山小吟邊白日長秋風載書籍相對築菴堂
夜雨

苦雨變秋霖瀟瀟入夜深亂敲驚葉脫清響雜蛩吟
往事千年夢故鄉千里心西風助淒切不管客難任

登城西故臺

薰風不解愠涼氣欲生秋往事都成夢離心祇自愁
蒼黃原上草寂寞水邊立却憶家山好言歸未有由

桃溪歸隱圖

溪桃種成事天子已把行藏兩途擬如今鞍馬困黃
塵袖着橫披念生理君不見太倉米登天厨金盤對
釘如珍珠雖能頃刻得貴重無復繼世生民區果欲
歸歸貴速雲雨時情若翻覆虛名累不當飢寒在惹

閑愁亂心曲果欲歸歸恐晚鏡裏蕭蕭髮絲短桃花

零落幾春風野鶴山猿有誰管歸去來莫徘徊瓦盆

便擬傾新醕醕冠一笑醉溪石人間萬事俱塵埃此詩與武

勝曾有一題

和吳行甫雨雹韻

山雲突起凌碧虛怪狀竒態成須臾驚風急雨迸飛
雹飄驟散落千萬珠半空光冷掣電火平地聲走轟
雷車神龍奮怒乃若此不識造化將何如默知嘉禾
半漂沒坐看積潦橫穿窬小民咨嗟復愁嘆謾執俗
議尤當途當途於今貌房杜機略自知天下無有才

足使人羨慕有勢足使人奔趨暇考陰陽論調燮暇
紆微歛矜號呼今年金繒滿千馱明年好上登封書
青山偃蹇與世踈只將秀色供吾徒知君如我有山
癖深探遠討吾不如金灯峯山詩千首掛鏡臺前一
盃酒人間萬事盡浮雲故人曾爲相思否雲邊鸞鳳
玉鞭鳴跛驚躡躡疊巒生天木碧雲凝遠思夕陽無
語下西城

偶得

紛紛身事百千般只要教君賭是看此外更無容力

處枉將機巧自生難

登天王臺

樓閣荆榛幾變更登臨只見古今情當年勝迹無人
問依舊春風草又生

謾得

克已功夫未肯加責人機見益增多百年擾攘荆榛
裏存得初心有幾何

宿卓水

腹餒衣單坐未溫可堪開口話犧文西風更動蕭蕭
竹清徹先生十一分

寒缸挑盡大重生竹有清聲月有明
一夜客窓眠不穩却听山犬吠柴荆
都笑謀生我最迂我思猶恐不能愚
紛紛走入荆榛裏誰肯輕身與並驅

水有清聲竹有風我來端欲豁塵蒙
明朝杖履西域路悵望家山翠靄中

山水年來滿意看只無幽竹伴幽閑
從君願乞龍孫去栽向西城空隙間

大暑登東城

雲間畏日不肯下天際好風殊未來
安得盆傾三尺

雨暑天一洗絕塵埃

三丈危城日暮登暑威殊不霽憑陵
何時大華高峯上細嚼松陰六月冰

眇眇微軀一指如豈勝炎暑拍寰區
當年列子容攀學夜半因風上碧虛

本期蕭散築幽深豈慮煩蒸復見侵
五夜懊懷眠不得幾乎消絕愛山心

瘴厲蟠空久不開壟苗枯死早爲災
蒼生夢寐思霖雨誰似當年傳說才

絕句

關鑰曾中本要安親踈眼底更須看苦教處此無深
祕只恐當機有至難

幸誤夢中得首一聯因補成之

花謝花開時去時來福方慰眼禍已成胎得未足慕
失未可哀得失在天敬聽天裁

別友人

此詩與良朋
不易一題

永懷不得遂偃臥惜分陰沁北田園計山東故舊心

九日思親

此詩與年年
九日一題

九日人歡遇雙親我獨思倉皇迷路後哀苦哭兒時

中秋

動是經年隔休教此夕孤玉律秋方半銀蟾影倍清

樂府

沁園春

東館路中

自笑平生一事無成險阻備經記丁年去國干戈擾
攘蹤蹟飄零魯道塵埃齊封景物旅况悠悠

百恨增斜陽裏對西風洒淚魂斷青冥 家園未得
躬耕又十載羈栖古魏城念拙謀難遂丹心耿耿嘆

韶華易失兩鬢星星五畝桑田一區茅舍快與溪山
理舊盟橋邊柳安排青眼待我歸程

鷓鴣天

夜寒

土塌侵尋夜半風眼羞無睡強朦朧新詩暗琢拳攣
裏往事都思展轉中 膚起粟脊彎弓須知玉女

是天衷璠間也去隨人乞怎立當年濟世功一作怎

浩氣

滿江紅

書懷

親友留連都盡道歸程匆逼還可慮干戈搖蕩路途
難厄萬事豈容忙裏做一安惟自閑中得便相將妻
子抱琴書青山側 行與止吾能識成與敗誰能測
但糲冷糊口小窓容膝桑梓安排投老地詩書准備
傳家計使蘇張重起論縱橫心難易

心園春

墾田東城

月下簷西日出籬東曉枕睡餘喚老妻忙起晨餐供
具新炊藜糝舊醃鹽蔬飽後安排城邊墾斲要占蒼
烟十畝居閑談裏把從前荒穢一旦驅除 爲農換
却爲儒任人笑謀身拙更迂念老來生業無他長枝
欲期安穩敢避崎嶇達士聲名貴家驕蹇此好曾中
一點無歡然處有膝前兒女几上詩書

滿江紅

別大名親舊

河上徘徊未分袂孤懷先怯中年後此般憔悴怎禁
離別淚苦滴成襟畔濕愁多擁就心頭結倚東風搔

首謾無聊情難說黃卷內消白日青鏡裏增華髮
念歲寒交友故山烟月虛道人生歸去好誰知美事
難雙得計從今佳會幾何時長相憶
一編年歌括
始自堯戊辰終于金癸巳三千六百年內減三十四
唐堯一百載虞舜五十年禪讓官天下有子不相傳
夏繼有虞一十有七世得年通幾何四百三十二

有商子姓三十世十日為名無癸字六百二十有九
年天下歸周契不祀

周

姬周三十有七王歷年八百六十七西都三百五十
二武成康昭穆共懿孝夷之下厲宣幽十有二朝居
鎬邑東都二十五相傳五百一十五元日平桓莊釐
惠與襄頃匡定簡靈景繼悼敬元并貞定哀思考威
烈安夷烈顯與慎靚及赧王厥後秦人併王室
秦

秦人滅周自昭襄孝文後曰莊襄王三傳九載嬴秦
亡呂政繼立號始皇胡亥子嬰俱不昌三世都經四
十霜

西漢二十五年時制五百一十五元日平臥並蓋

西漢十有二帝二百一十四齡高惠傳家未久呂氏
僭起闢庭文景武昭而下宣元成哀平嬰三百

新室

王莽號新室竊據十四年誅夷漸臺後二載屬劉玄
東漢二十世十日

東漢十有二朝一百九十六筭光明章和殤安順冲

質桓靈獻

刻即蜀東谷共味

劉蜀炎漢二主據成都四十三年後山川入魏區

魏

曹魏合五主文明齊章高禰稔蕭牆內四十五年亡

吳

孫吳凡四傳權亮休與皓五十九年春青蓋洛陽道

西晉

西晉武惠懷愍四葉五十二年司馬乾綱解紐五胡
割據中原

東晉

東晉渡江十一帝元明成康穆哀廢簡文孝武安與
恭一百三十消正氣

宋

劉宋五十有九年高祖榮文孝武廢明并後廢順承
之是為南朝九八帝

齊

蕭齊二十有七年七葉相乘三見廢祖武鬱林并海
陵明與東昏共和帝

梁

蕭梁傳四主五十五番春武簡文元敬乾坤遂入陳

陳

陳氏合五朝三十二改歲高文廢與宣後主傾神器

後魏

後魏一十一帝一百四十九年道武明元太武文成

獻文相連世以拓跋為氏孝文改姓為元宣武孝明

而下孝莊即閔承旃廢帝孝武之後遂分東西魏焉

東西

西魏三主明廢恭二十二年國祚絕東魏孝靜不再

傳一十七霜元氏滅

北齊

高齊五傳年得四七文宣昭成後幼失國

後周

五主宇文周歷年二十五孝閔明武宣靜末隋為主

隋

隋代通三世文皇煬與恭三十七年後楊氏數云終

唐

李氏建極臨九有紀年二百八十九神堯太高中睿
玄蕭代德順承其後憲穆敬文并武宣懿僖昭哀皆
繼守總來二十一稱尊高後一朝為武后

五代

朱梁三主十六祀太祖友珪末帝是後唐四帝十三
春莊明閔末是為真石晉二世十一載高祖之下少
帝代劉漢四年凡再傳高祖隱帝同一源郭周九載
傳三世太祖世宗與恭帝五代五十有三年其間八
姓遞推遷後唐凡三周凡二餘者舉皆同氣嗣

大遼

九傳耶律之遼二百一十九數祖宗世穆景宗聖興
及夫道豫

前宋

前宋九朝都汴邑一百六十有九年祖宗真仁英神
哲傳到徽欽並北遷

大金

有金百一十九年復姓完顏九九業祖宗熙海世章
東下逮宣哀南渡滅

號記

祖宗真仁英神哲徽欽失汴高遷浙孝光寧理度及
末三百餘年宋道滅

稽古千文

大極之前此道獨立道生太極幽三爲一一氣既分

天地定位萬物之靈惟人爲貴太古結繩民醇而愚

茹毛飲血穴處巢居伏羲畫卦始造書契神農黃帝

三皇繼治五帝少昊高陽高辛堯舜揖讓傳中以心

曆數在禹夏承虞禪謳歌歸子啓與扈戰太康遊畋

羿距于河仲康失權胤征羲和一成一旅少康中興

桀虐百姓天道禍淫應夫順人殷湯革命咸有一德

伊尹元聖太甲放桐盤庚遷都武丁中興受終獨夫

文王事殷明夷蒙難武發開周首訪洪範成康持守

周召夾輔穆王訓刑宣王復古幽惑褒姒犬戎所弑


平王東轍國風遂降虛器尊周五伯馳騁孔聖春秋

爰始魯隱七國爭雄蘇張縱橫孟軻仁義卒老于行
孝公疆秦鞅變并田赧朝昭襄周祚以遷併吞六國
始皇詐狙罷侯置守焚書坑儒阿房長城賦役雷民
二世子嬰陳吳亡秦項起西楚劉與沛中項弒義帝
劉從董公轉戰五年資謀三傑灌嬰垓下始定漢業
高帝忘功誅醢械繫溺愛戚姬欲立如意良招四皓
幼惠遂定呂雉鳴晨房闈出政陸賈計行平勃交驩
祿產就誅劉氏乃安文帝恭儉詔半爲農景帝遵業
醇厚民風武承富庶始建年號窮兵雪恥末年減耗
立昭繼武功歸霍光孝宣中興道雜霸王元成哀平

權移女黨張禹佞諛乃生王莽十有四年亂生新室
更始劉盆王尋王邑光武中興群盜乃滅寇鄧元勳
耿賈洪烈天下平定進尚文吏退全功臣封縣數四
禮優嚴陵占動太史二百年間名節奮起明帝苛察
章帝寬厚和誅竇憲殤終強幼安雖享御權歸外戚
北鄉弗永順淪嬖習冲幼負聰弒于跋扈拒誅梁冀
陳李黨錮靈委宦孽黃巾嘯聚進召董卓獻終漢緒
曹丕稱魏劉備興蜀孫權號吳三國鼎足混於西晉
都于洛陽武惠懷愍劉聰所亡元帝南渡一馬化龍
建康舟楫爲晉之東明成康穆哀廢簡帝武安僞楚

恭遜劉裕原晉之弊起于浮誇清談之極五胡亂華
宋齊梁陳元魏東西南北瓜分後周併齊隋文混一
始盛開皇煬帝窮奢恭帝禪唐唐高之興太宗之謀
閨門慚德責以春秋田以租調兵以府衛七百餘員
首定官制貞觀仁義髣髴三代本根不正隨亦闕壞
再傳高宗已罹女禍李勣一言唐業幾墮武后稱制
欲立三思倘非仁傑孰引柬之中宗復辟嗣興常后
睿遜玄宗以功授受開元太平天室昏亂貴妃內惑
祿山外叛肅宗即位太分安在中興有頌功不贖罪
代宗中材德宗猜忌奉天所倚陸贄仁義順在東宮
陰賜天下憲任裴度平淮有雅惜其晚年禍生不測
穆敬昏庸不能討賊文宗銳意太和清明僅毅弘志
莫正典刑輕用訓註禍成甘露武用德裕遂平澤潞
宣宗寡恩唐治以衰懿僖昭哀遂不可支唐患非一
朋黨閹寺藩鎮強大宣武篡弒朱梁李唐至于石晉
劉漢郭周是爲五閏錢馬高揚承襲割據李王孟劉
各復僭偽兵變陳橋宋祖即位尅平中夏以國傳弟
九業中衰江左六裔遼金據華亦各九世天眷地顧
篤與我元四海會同本枝萬年稽古提綱維此千言

西與九玉四聯會同本好已平終古與聯出十言
 武業中策以式六節如金與華有也山山香此
 否與翻出共變利翻來時明時越平中與心國翻
 臨與德同吳高正自燈洲而蘇不與德翻李王孟
 限黨國手節越起大宜在寒殊未深幸尊至平不晉
 宜宗義感香新心來權翻翻來下百文尊惠非一
 矣更典佩轉民信出歸以甘羅左用蘇蘇數平舉
 縣始有雷不謂始類女宗從意太味書即對懸也法
 皆盡金書卷之六終平非下非計其與平蘇坐不低




會齋金書卷之六終平非下非計其與平蘇坐不低

許魯齋墓

坐落懷慶府河內縣東北清上鄉李封村去城七十
里奉勅脩造享堂三間宰牲房三間拜殿三間大門
三間碑十餘座墓田一百三十畝葬六十餘塚祭田
二十八畝先年被民侵占正德十一年
欽差巡撫河南兼贊理軍務都御史西蜀李
查復業見今生員許太和承祀

清



里家廟

許魯齋祠


坐落懷慶府河內縣李封村一所去城七十里家廟

三間

又

坐落懷慶府河內縣景賢村一所去城十五里家廟

三間見今生員許太和奉祀



許魯齋祠

坐落懷慶府城內河內縣學之西建於元皇慶二年
達魯花達虎都赤洪武七年懷慶衛指揮紀弘重脩
正德八年河南布政司左布政使楊子器重脩大門
三間正祠三間廂房九間餘房十二間見今生員許
太和奉祠

魯齋全書卷之七

中立不倚
四川按察司副使河內郝維玉卿編集
翰林院脩撰
經筵講官懷慶何瑋粹夫校正
河內縣知縣關西高傑冠英刊行

附錄

元御製勅辭

詔贈榮祿大夫司徒謚文正公

上天眷命

皇帝聖旨惟昔

聖祖圖任相臣思與真儒共成治效故資善大夫中

書左丞集賢太學士兼國子祭酒教領太史院事
許衡以天民之先覺膺巖石之具瞻聖學方湮惟
沫泗之源是泝嘉謨入告非堯舜之道不陳斥奸
志靖於熙朝辭祿不忘於耕野迎推日策明曆象
以授人時樂育英才居成均而教胄子乃眷鈞樞
之列益昭模範之功允爲

裕考之賓師宜副

慈皇之渥命爰申卹典用賁玄局道德博洽斯謂文
中立不倚斯謂正既嘉名之載易仍公秩之榮頒
上期有知服茲無斃可贈榮祿大夫司徒謚文正

公主者施行

大德元年十月

墓碑

大元勅賜故中書左丞集賢太學士國子祭酒贈
正學憲憲佐運功臣太傅開府儀同三司追封魏
國文正公許先生神道碑

翰林直學士中大夫知制誥同脩國史國子祭酒
臣歐陽玄奉勅撰

翰林侍講學士通奉大夫知制誥同脩國史知經
筵事臣張起巖奉勅書

奎章閣學士院承制學士中大夫兼經筵官臣尚
師簡奉 勅篆額

洪惟聖元度越千古

世祖皇帝以天縱之資得帝王不傳之學上接伏羲
神農黃帝堯舜禹湯文武以來數聖人之道統而
爲不世出之君河內許先生以天挺之才得聖賢
不傳之學上接周公孔子曾思孟軻以來數君子
之道統而爲不世出之臣君臣遇合之契堂陞都
俞之言所以建皇極立民命繼絕學開太平者萬
世猶一日也猗歟盛哉先生既沒之三十二年爲

皇慶二年仁宗皇帝詔暨宋九儒從祀宣聖廟廷
明斯道之所自傳矣又二十三年爲元統三年今
上皇帝勅詞臣玄文其神道之碑以賜其子師敬使
刻之於是臣玄拜稽首以復明詔曰論世祖之
爲君而稱述許先生之爲臣則見我元朝廷之間
有唐虞明良之氣象論許先生之爲臣而推世祖
之爲君則見我元國家之初當貞元會合之氣運
故善言先生必以道統爲先而後及功業則上可
以稱塞聖天子命臣作碑之初意下可以厭服天
下後世學者景慕之盛心也臣謹按先生家乘及

嘗私淑於父師者序而銘之先生以金太和九年
己巳九月丙寅生於新鄭邑中幼有異質八歲入
學從師問讀書欲何爲師曰應舉取第耳曰如是
而已乎師大竒之謂其識趣非常他日必有大過
人者自顧章句儒非其師遂辭去年十餘有道士
過門見之驚曰骨清神完目光射人苟非命世大
賢即當神超八表人間富貴不足道也稍長嗜學
如飢渴而精疆絕人世亂家貧無從得書聞有善
本冒險數百里就而抄之讀之有疑即能有所折
衷歲壬辰天兵渡河爲游騎所得其萬夫長酗酒

殺入爲嬉先生從容曲譬卒革其暴久乃信其言
如著龜人賴全活者無筭萬夫長南征乃東去隱
徂徠山遷泰安之東館鎮尋遷大名扁其齋曰魯
世因號曰魯齋先生國家既有河朔遣官分道以
試選士中者得占籍爲儒魏人力勸應試既中選
留魏三年自挽鹿車載書還河內魏人致僕馬不
聽入洛求弟衍得之自洛適魏聞河內政虐還止
蘇門卜餘年間雖顛沛流離行不愧影其與人交
中剛外和一芥取予必揆於義人與之居雖有伎
求馴致俱化所至學者翕然歸之察其誠至始留

館下既留誘掖忘倦身教屬屬言教循循於是師道日立友道日親在魏友竇默蘇門友姚樞相與論辨探幽析微詣者惛伏既得伊洛性理之書及程子易傳朱子論孟集註中庸大學章句或問小學筭書言與心會召向所從游教以進德之基慨然思復三代庠序之法甲寅世祖受地秦中聞先生名遣使者徵赴京兆教授先生避之魏使者物色偕行廉布憲宣撫陝右傳教令授以京兆提學卜居鴈塔之東與同志講井田之制買園爲義桑會得請還世祖即祚建元中統召先生于家既至

謁歸既歸復召至上京入見上問所學以學孔子對留上所無幾以疾還燕明年自上京兆數有敷對時相王文統用事而先生及姚樞竇默日被顧問默在上前屢斥其學術不正樞尤以才見嫉蓋竇言本出於先生文統亦頗疑之乃奏姚爲太子太師竇爲太子太傅先生爲太子太保外示尊禮內欲擯使疏遠姚竇拜命將入謝先生獨毅然辭謂二公曰禮師傅見太子位東西向師傅坐太子乃坐今能遽復此禮乎否則師道自我廢也二公懷制闕下辭文統聞斯言遂寢其命改授先生爲

國子祭酒竇爲翰林侍讀學士姚爲大司農先生
函辭以疾久乃予告還河內既而上京使狎至應
命至燕病弗能往至元元年自燕復還先是有詔
即家爲校以業來學及躬耕里中未嘗以詔示人
至是召入省議事旋踵求去丞相安童來謁欲勉
留之退謂人曰時流皆欲輩行許先生吾見相去
千百尋有詔趣赴省遂北行見上檀州諭之曰安
童少不更事卿無負所學悉以傳之有嘉謀嘉猷
語使人告對曰聖人道極高遠學者所得有淺深
然當罄所知如聖詔其所不知不敢強也安童明

敏有操守告以古人格言往往領悟第恐有間之
者則難行耳自是預國大議時至都堂扈行上京
咨訪日廣宿衛之士見先生入對舉手加額相慶
曰是欲澤被生民者上疏陳五事曰立國規摹曰
中書大要曰爲君難曰農桑學校曰慎微累數千
百言讀奏未徹上久聽微有倦色先生即歛卷求
退上肅然正襟危坐先生乃再讀讀訖上嘉納之
其餘論諫多削其藁世罕得聞有頃辭疾聽五日
一詣省賜西域名藥善酒俄許其還繼召與太保
劉東忠左丞張文謙議朝儀官制多所詳定阿合

馬請建尚書省總六部與中書角立上特用先生
爲中書左丞先生求面辭不得見者再越數日奏
所議事畢自陳曰臣有三宜辭一非勲舊二篋才
德三所學迂恐於聖謨神筭未能盡合上曰用卿
出朕意無事多讓先生辭不已上命從官掖之起
有旨曰出既出及闕還奏曰陛下令臣出省耶上
改容曰出殿門耳明日又辭遣近臣合刺合孫先
諭止之強出視事至上京奏論阿合馬罔上不道
事不報因移疾謝機務丞相難之御史中丞字羅
爲之請上惻然召子師可諭使舉代對曰用人宜

出上意臣下舉代恐開市恩覬覦之漸尋有旨以
國人世胄子弟就學遂篤意教事奏門生王梓劉
季偉韓思永耶律有尚呂端善姚燧高凝白棟蘇
郝姚燾孫安劉安中十二人爲伴讀被旨咸驛致
之以先生爲集賢太學士兼國子祭酒先生之爲
教精粗有序張弛有宜而必本諸聖賢啓迪後學
之方踰年諸生涵養薰陶周旋中禮講貫適用上
喜其業成自程之越三歲以改葬親喪謁歸屬召赴
行在遂請朝辭以行上命諸老議其去留姚樞謂
先生出處有關世運宜成其志更命張文謙問所

以告歸之意其對如初始元十四年召議改曆法
仍拜集賢太學士兼國子祭酒教領太史院事十
七年授時曆成以疾屢告上禮貌隆至路朝賜杖
內殿賜坐疾少劇裕皇在東宮聞之爲言於上以
驛送還師可以河東按察副使改懷孟路總管以
便養皆東宮請也且使宮臣諭曰先生近醫藥自
輔無以道不行爲憂十八年三月戊戌薨于私第
之正寢易篋不變年七十三是日大雷電風拔木
城中無貴賤少長哭於門商嗆于塗農弔于野天
下識與不識聞訃慨嘆四月乙酉葬李封村先塋

之南既葬四方學者來會爲位哭墓次而去先生
真知力行實見允蹈齋居終日肅如神明嘗遇迅
霆起前泰宇凝定不喪執守其爲學也以明體達
用爲主其脩己也以存心養性爲要其事君也以
責難陳善爲務其教人也洒掃應對進退爲始精
義入神爲終雖時尚柄鑿不少變其規矩也故君
召輟往進輒思退方世祖急於親賢而先生篤於
信己以是終無枉尺直尋之意及夫仕不受祿人
以爲高則喟然嘆曰甚矣予之不幸而有是名也
仕豈有不食君祿者哉食求無忝而已伐宋之舉

會齋全書卷七
一時名公卿人售攻取之略先生言惟當脩德以
致賓服若以力取必戕兩國之生靈以決萬一之
勝負及宋既平未嘗以失計爲慊世祖亦未嘗以
是少之臣嘗觀三代而下漢唐君臣未聞以道統
繫之者當世儒宗或智足與知仁未足與居也宋
濂洛數公克續斯道然未聞有得君者世祖龍潛
諸儒請尚其號曰儒教大宗師嗚呼嘆唐宋創業
之主烏得而有是號哉此天以道統屬之世祖也
先生出際斯運一時君臣心以堯舜爲心學以孔
孟爲學中外如出一喙號公魯齋先生嗚呼魯者

曾子傳道之器歷代任命之臣雖欲爲此號豈可
得也非天以道統屬之先生乎先生之謀國譬之
工師受命作室既得大木不肯斷而小之是以寧
不受宮師之命而必使學焉後臣之道無愧於伊
尹寧不預平宋之功而必使以德行仁之言無負
於孟軻故中統至元之治上有不出世之君能表
章其臣繼述往聖之志下有不出世之臣能贊襄
其君憲章往聖之心於是我元之宏規有非三代
以下有國家者之可及矣及夫元貞大德高第弟
子彬彬輩出致位卿相爲代名臣皇慶延祐之設

科子師敬叅預大政以通經學古之制一洗隋唐
以來聲律之陋致海內之士非程朱之書不讀又
豈非其家學之效見諸已試者歟先生平時頗病
文籍之繁嘗曰聖人復出必大芟而治之斯則周
衰以來文勝之弊猶將有以正救於其間是豈淺
之爲志者乎先生諱衡字仲平其先河內人父通
避地河南隱德弗耀今贈銀青榮祿大夫大司徒
追封魏國公謚惠和妣李氏追封魏國夫人子男
四師可師遜師孚追封魏國夫人敬氏子師敬封
魏國太夫人賀氏子先生閨門有禮中饋皆賢事

公甚敬師可由河東按察副使歷衛輝襄陽路總
管終通議大夫廣平路總管贈禮部尚書謚文簡
志趣端正惜未究用有文集遺後師遜師孚未仕
卒師敬由監察御史踐啟中外歷治書侍御史吏
部尚書中書叅知政事國子祭酒太子詹事中書
左右丞兩爲翰林學士承旨知經筵事今由西臺
中丞拜御史中丞階光祿大夫明經務誠學尚節
槩肖父風女三長適于章儒者餘早逝孫男六長
從憲以蔭累遷湖廣行省理問以歸德知府致仕
次東孫天次從宸積官山南憲僉監察御史終河

東憲副廼先生之嫡宗孫也次從宜太史院經歷
中書省照磨今翰林國史院經歷次從宣太保府
長史中書左三部照磨官次從宗章珮監異珍庫
提點孫女五長適廣東宣慰使都元帥甯居仁封
覃懷郡夫人次適太禧院管勾覃質次適翰林應
奉蕭璘次適寧陵簿張構次適阜城尉張恕曾孫
六長崇祖次紹祖祕書著作從宸之嫡子也次書
童文童禮童武童曾孫女四皆幼先生有魯齋集
及中庸語意門人記載語錄行于世昔王文忠公
磐論先生曰吾年八十閱人多矣平生力學不知

聖道之所在非天與幸幾失此人大德元年贈大
司徒謚文正制詞有曰聖學方湮惟洙泗之源是
汧嘉謀入告非堯舜之道不陳至大三年加贈太
傅追封魏國公制詞有曰天非繼聖學之墜緒則
不生命世之大才國欲與王道以比隆肆用爲烝
民之先覺姚文公燧作祠堂記則謂五百年必有
王者與其間必有名世者出惟公足以當之蓋太
祖皇帝建國丙寅而先生生於己巳上距宋慶元
庚申朱子之卒終十年當與王之會續傳道之業
必有數存焉世祖嘗稱其論事多與太祖之言合

取祖訓示之玄生晚學陋何以知先生然嘗誦諸
儒之說而想望其餘光焉先生之於道統非徒托
諸言語文字之間而已也蓋自慎篤之功克而至
於天德王道之緼故告世祖洽天之道唯曰王道
及問其功則曰三十年有成是以啓沃之際務以
堯舜共君堯舜其民爲己任由其真積力久至誠
交孚言雖剴切終無以忤至於其身之進退則凜
然萬夫之勇何可以利祿誘而威武屈也晚年義
精仁熟躬備四時之和道出萬物之表無事而靜
則太空晴雲卷舒內如應物而動則雷雨滿盈草
木甲兵事至而不疑事過而無迹四方之人聞之
而知敬望之而知親畏之而知愛遠之而知慕求
其所以然則惟見其胸中磅礴浩大人欲淨盡天
理流行動靜語默無往而非斯道之著形也又嘗
竊論之先生天資之高固得不傳之妙於聖賢之
遺經然純篤似司馬君實剛果似張子厚光霽似
周茂叔英邁似邵堯夫窮理致知擇善固執似程
叔子朱元晦至於體用一原顯微無間超然自得
於不動而敬不言而信之域者又有濂洛數君子
所未發者焉宜夫抗萬鈞之勢而道不危擅四海

之名而行無毀近代元豐之異論淳熙之分爭先
生處之寧有是哉臣玄再拜稽首銘曰世降遠古
大璞日雕天吏不作治教寂寥帝恫我民眷求有
德世祖齊聖作其建極臣有許公身任斯道爲仁
肥肫制行慥慥昔公在野世難荐臻精義致用屈
蠖之伸心樂則顏志任則伊朝思夕惟天將啓之
朋來遠方以辯以問會融一貫永釋理順世祖居
潛時號儒宗多士既歸功德日崇召公起家斯世
將泰始知俊心天地正大既握乾符尊履五位利
見大人乃在九二覃懷之居輶車十來屢進亟退

求福不回論議上所德容休休獻可替否言直以
適上曰仲平汝左朕承其悉爾學資朕股肱惟誠
惟一以結主知惟明惟哲其止也時初問伐國對
不以兵上遠公猷不在宋平官盛既藥公恥素養
敬事後食匪爲苟難近臣貴胄世祿國寵我淑以
道國收其用小學功隳大學陵節我教多術循循
無越惟聖有謨載範其驅以步以趨疇敢侮予自
古在昔氣化推移仁人之與爲世盛衰几今有生
孰司祭悴惟道爲大與天罔墜世祖繼天惟天生
賢道統有在民彝賴焉有德有言古竹子有孫皇命

作誄詒厥永存

至元元年歲次乙亥冬十一月己卯朔二十六日
甲辰第四子光祿大夫御史中丞鄧敬立石

新鄭祠堂記

新鄭縣西山大隗山之左里曰陽緩元魯齋先生許
文正公所生之地也先生世家河內金季其先人避
兵是邑實先生生於里中金大安己巳歲也縣學有
祠以祀先生其事具碑今碑存而祠廢士大夫之往
來與秀民之向學者或嗟嘆以爲缺興江西鄧麟訓
導邑庠乃即夫子宫墻東隙地營房三間作先生像

于中以時致祀既而求記于河內僉憲劉公咸公以
推余余猶記往年過是邑鄧方謀作祠又二年舟至
祠成久矣鄧之志可嘉哉於乎先生之道之德之學
所以紹程朱之正傳淑萬世之人心者固不待新學
小生之贅贊而獨念是邑乃先生誕生之地顧祠宇
久廢人心缺然無以寓敬鄧能因心與事作新斯宇
使凡進謁庭下者如親炙先生若充然有得而退其
有補于天理民彝不淺矣遂書其事以告後之人俾
無替于承祀云

河內祠堂記

元魯齋許文正公祠在河內縣儒學西蓋元時所砌
以祀公者也迭毀迭脩有碑可考正德七年河南布
政使慈谿楊公以白金二十七兩屬懷慶府知府曲
沃趙公鐸脩公祠宇趙公祇奉德意市材木甌甌之
屬既備迺鳩工匠迺徵徒役正殿覆瓦脫落者補之
丹雘漫漶者鮮之又於殿左建書房四楹殿前建東
西廡各四楹結始於正德七年冬至八年春落成未幾
楊公以疾卒於位趙公亦致仕歸故未有記正德丙子
欽差巡撫河南都御史四川李公表章先賢命有司
伐石樹碑于文正公之祠公七世孫儒學廩膳生許

泰和等因念楊公趙公脩建祠宇雅意不可浪沒迺
屬塘為記將並刻于石以示後人竊惟文正公道德
功業萬世尊仰歐陽公所撰神道碑至矣茲無以贅
為也獨近世儒者謂公華人也迺臣於元非春秋內
夏外夷之義有害名教縉紳之士間有惑於其說者
塘嘗著論辨之大略以為中夏夷狄之名不係其地
與其類惟其道而已矣故春秋之法中國而用夷禮
則夷之夷而進于中國則中國之無容心焉舜生于
東夷文王生于西夷公劉古公之禱皆生于戎狄後
世稱聖賢焉豈問其地與其類哉元之君雖未可與

古聖賢並論然敬天勤民用賢圖治蓋亦駸駸乎中
國之道矣夷狄之俗以攻伐殺戮爲賢其爲生民之
害大矣苟有可以轉移其俗使生民不至于魚肉糜
爛者仁人君子尚當盡心焉况元主知尊禮公而以
行道濟時望之公亦安忍猶以夷狄外之固狠而不
仕哉且作春秋以訓萬世者非孔子乎春秋所外之
夷莫大於楚楚昭王之聘孔子亦往拜焉使不沮于
子西孔子固將爲楚之臣矣孔子魯人也尚可臣楚
公元入也迺不可臣元歟然則謂公之臣元有害名
教者妄矣或有謂公雖臣元亦不能盡變其夷狄之
俗似無所補者竊以爲不然大寒不能驟變而爲大
暑大暑亦不能驟變而爲大寒故冬之後必有春迺
至于夏夏之後必有秋迺至于冬天道尚不能驟變
而况於人乎昔孔子謂齊一變至於魯魯一變至於
道齊中國也胡不一變而至於道哉勢不可也元習
于夷狄之俗久矣公踈遠之臣也乃欲以一朝相遇
之言盡變其累世積染之俗豈易能哉以是疵公公
固無愧矣由是而觀則公之臣元無不可者今觀楊
公趙公脩祠于先

李公表章于後則公之道德功業爲世尊仰者固不

以儒者之論而損然縉紳之士惑于其說者不盡無也故愚因記重脩公祠事而附見鄙論以解縉紳之惑云

賜進士出身翰林院脩撰 經筵講官郡人何瑋撰

復許文正公祀田記

許文正公元大儒也泝其淵源所自實上接考亭之統究其利澤及人則實有用夏變夷之功歐陽公所撰神道碑詳矣公祠凡三一在河內縣儒學之側一在縣東北李封村公墳墓子孫在焉一在景賢村公別墅也景賢村故有祀田二十八畝後

為鄉民所有公子孫訴於官則曰汝先世嘗粥於我有券契存焉歲遠人亡真偽無所考証官府亦直得以其田歸之民正德丙子

欽差巡撫河南地方都察院右副都御史西蜀李公檄下有司表章先賢祠墓傾頽者脩葺之祀田侵沒者理出之公七世孫儒學生泰和乃具公祀田始末以告

李公慨然曰公道德功業師表天下後世宜世世祀祀田勿置不為過况故有乎特念其田久為民所有一旦奪之恐民不堪乃議贖取之於是

分巡按察司僉憲東吳韓公命懷慶府知府郟城
周公舉河內縣知縣平涼高傑出庫藏官銀貳拾
兩盡召田主歸其直收其券契取其田畀許氏子
孫泰和輩使世守焉以奉公祀明年

分守布政司大叅金臺楊公志學王公震莆田陳
公琳少叅東吳宋公冕兵備分巡按察司僉憲金
臺王公鏜韓公廉麻城汪公正閩中范公嵩議以
斯舉也見君子尊賢之禮焉又見愛民之仁焉又
見處事之義焉不可以無述斯田也今雖歸許氏
矣安知他日不復爲鄉民所有子孫不復鬻之於

人也不可以無戒乃命有司紀之于石以示久遠
於是知縣高侯傑乃來徵言予竊惟文正公道德
功業昭然在天下後世祀田之有無似無大損益
而事體所在則以不可書者春秋成公初年書取
汶陽田傳者曰取者得非其有之稱汶陽魯田也
見侵於齊魯不請命於天子以正疆界乃假晉兵
力以取之與得非其有者同故書之以示譏竊以
爲晉主夏盟固代天子行事矣諸侯有強凌弱衆
暴寡如齊之於魯者蓋其所宜治也征齊之罪而
返魯之侵地無可譏者可以取則取豈可例以爲

得非其有哉所可譏者他日使韓穿來言汝陽之田歸之於齊耳

巡撫公復文正公之祀田宜與晉返魯汝陽田爲比而上全崇奉先賢之意下不徒奪民之有權不失正盖有昔人之所未及者

分守分巡暨郡守縣侯祇奉德意協贊有成皆不可不書抑于此有感焉鄭以枋易許田於魯春秋書之君子曰於此見鄭與魯有無親之心盖譏其以祖之分地擅與人相易也夫以田易田尚獲譏於春秋則舉先祖之地而輕以畀人者又當何如也噫文正公之子孫尚念哉

正德戊寅夏月吉旦

賜進士出身奉議大夫東昌府同知前翰林院脩撰
經筵講官郡人何瑋撰

賜進士出身中憲大夫山西等處提刑按察司副使

前監察御史郡人吳道寧書丹

賜進士出身中順大夫懷慶府知府前南京戶部郎

中郟城周舉篆額

法廉介自持始終不渝茲而告老歸省遂以牒譜爲
鑑序之深意其意不獲有辭夫萬物本乎天人本于
祖其可以忘其本乎故凡同是譜者上以知本源之
所自下以明派系之所傳益遠而益明愈久而不紊
如此而謂譜之作無益於人不可也若夫子孫者觀
於是譜昭乃祖之勲庸仰位望之崇祖奮然感發思
趾其美相與昭緒於無窮則譜之傳歷久而有光也
然則驥於今日惓惓然於斯者所以思夫水木本源
之義爲何如哉故程子有云管攝人心收宗族厚風
俗使人不忘本須是明譜系正此之謂也故書以序之

成化五年歲在己丑秋七月朔常德府儒學教授周

魯齋遺書序

嘗謂國家將興必有禎祥故生偉傑之才以輔英明
之主見之事業發爲文華實閔世運夫豈庸庸碌碌
剪裁章句所可同日語

皇元泰宇肇開群英異弼一時麟鳳同贊雍熙魯齋
許公以布衣儒生上結

主知於是罄其所學吐露忠赤作爲奏議五篇規模
宏遠言辭正直條陳利害展布經綸肯綮中節如庖

丁之於刀音奏和諧如稽阮之於琴矢不虛發如由
基之於弓步武馳驅如駟馬駕車王良造父爲之後
先也使人讀之金聲玉振尚可想見中齋蘇公來牧
安成既以先生大學撮要鈔梓暇日復出遺藁爲天
下公器將廣其傳使寰海內之民欣覩

聖朝文物之盛其於後世脩齊治平之道豈小補哉

大德九年十月朔眉山後學楊學文拜手書

又

元文正公魯齋許先生覃懷人也其道德文章前賢
贊之至矣先生有遺書六卷梓傳於世其板在陝西

學宮邇來不復印行想多脫落成化辛卯顒承乏來
守是郡即拜謁於先生祠下既而訪求遺書先生六
世孫邑庠生綸出示是書寫本而字多訛舛又訪於
致仕西安府同知河內王君濟安構得其刻本適鳳
翔府學致仕教授脩武韓君俊在家遂托其校正俾
寫刻二本叅互考訂於其間書頗可觀又幸遇巡撫
都堂楊公提學憲副陳公作興中州文教顒遂謀諸
同寅命工鈔梓以廣其傳焉

成化甲午夏四月吉日懷慶府知府後學嘉禾倪顒

頓首謹識

大學要略序

吾鄉許文正公魯齋先生身在斯道接濂洛閩閩之傳其嘉言善行遺書所收者甚少縮謝事鄉居宮保幸菴彭公過臨命與其曾孫泰和博求載集萃爲全書以傳未能也是編乃先生直言以教人者其言切近精實人所易曉天台克菴陳公督學吾中州嘗表章之以訓吾多士縮幸私淑而與有聞者故先刊諸梓與吾同志者共之或者疵先生不當仕元於戲楚之僭公山佛肸之叛孔子尚欲往况生其地而爲之民生視生民之糜爛而不之救則心亦何能忍而身亦何所逃哉自今觀之綱常不至於滅絕人類不至於禽獸誰之功也夷考或者之行其是其非必有能辨之者因僭及之

正德戊寅春三月壬子河內後學郝縮謹序

古今題詠

讀許魯齋思親詩并序贈薛文清公

洪熙元年冬十二月余扶先人柩至覃懷宣德元年春正月啓先母窆合祔于汾陰先塋既卒事因檢元音讀至魯齋先生七月望日思親詩乃悽然有感潛然淚下遂次其韻得詩二首因

書先生詩于前以見先賢誠孝之心溢于言表
雖百載之下讀之猶足使人興起復書于詩于
后以見予不仁不孝不能竭力于始終視前賢
大節有愧云

薛文清公和魯齋思親韻

觸目家山總是思思親况遇早春時日長每聽詩書
訓風煖頻隨杖屨嬉百載韶華成荏苒終天涕淚感
睽離自緣孤子無誠孝不見人生有盛衰

其二

風光滿目動哀思春草春花似舊時堂閣已成終古
恨班斲不復往時時中宵祗解追前夢隔歲猶如在
遠離却意高堂覽明鏡曾將華髮嘆年衰

其三

彷彿音容彷彿思衣冠出入憶當時成人未返林鳥
哺稚子曾騎竹馬嬉椿老暮庭風槭槭草荒春塚雨
離離固知周極恩難報只恐終天孝意衰

題魯齋書院

南北風塵頌洞中天開人極產英雄幾年力學尊尼
父萬里心傳得晦翁自信興王爲大道豈知伐國是
元功當時歸老情何切爲愛西山萬玉峯

題魯齋祠

曹璉

地靈鍾英傑先生何軒昂傳道沂瀛洛佐世際虞唐
悠悠千載下遺廟費宮傍斷碑不可拭令人三感傷

又

劉經

先生鍾靈秀德盛道亦尊上承鄒魯緒下沂伊洛源
窮居踐清苦輔相陳經綸悠悠芹泮地祠宇重見新
魯齋許先生爲元一代大儒遭逢世祖致身通
顯而其成已成物用夏變夷之功自有不可泯
者或者訾其失身元庭殊非公論宋之失中原
金也非元也元取中原於金非取之宋也先生

之生元興凡四世宋之失中原且數百十年生爲
元民仕爲元臣亦事之宜者况當人君以弓矢
得天下一時臣士皆騎射之餘其勇悍之氣好
殺之心功利苟且之俗加被天下天下之人駸
駸然將變于夷不復知有中國帝王聖賢之道
先生生爲之民亦烏得不乘時起而覺之哉微
先生以斯人之禍尚未可知或者之論蓋致嚴
于夷夏之分而失之矯者嗚呼元之爲元亦烏
得而故黜之哉如或人之論則西山之薇殆亦
非先生所當食者河內舊有祠堂拜謁之餘因

題此詩并系數語以白先生之道云

宋舟既南渡中原遂崩離左衽亂鄒魯野祀陳湮伊
胡運屬氏與王綱日以隳兵家扇其焰儒鐸誰應持
夫子生斯際將欲有所爲窮年考百氏寸心交群疑
晚得程朱論曰固當有斯粹然一於正獨秉吾道麾
或者詆夫子致身非其時茲非至公論何以後世垂
元人制六合率七皆臣之我生當隸於藉我仕亦何疵
已謂已成物寧知夏變夷是時微夫子其事未可知
河水深極海太行當天支再拜仰前折口好風吹高祠
弘治甲寅歲僉事清江彭綱識

宋都中州出二程國運道運方並興孰知道南國亦
改來者尚顯斯地靈魯齋先生起元世躬耕太行甘
自晦平生不讀非聖書墜緒茫茫思有繼布衣聘對
入中書亟爲立國陳規摹農桑學校本二典直欲斯
世際唐虞懇辭大拜師大學世胄時髦遵矩約遂令
古人數學方小大推明極昭灼既歸復召命安車進
退從容與道俱鄒孟爲鄉不受祿昌黎原道還成書
歷朝崇報隆無替特許廟廷班從祀宋儒濟濟元寥
寥况復二程鄉後輩古來國祚九幾更吾道統系長
相承乃知中州侶東魯名賢後生多挺生新詞屹立

懷庠側謁者函香行者式淵源心學竟誰傳三復遺書空嘆息

按察司副使會稽胡謚題
考亭既沒斯文弊枝葉空繁本實迷心法異時能自得羽翼當代更誰齊執鞭獨恨愚生晚立德多推聖已躋一覲遺容發深省曉鍾祠外動鳴雞

又

曾讀遺書得我師今瞻遺像拜靈祠當時有志從先進警世操心是要規三聘已勤伊摯起萬鍾雖富孟軻辭太行清沆渾如昔俯仰山河不盡思

按察司僉事西蜀吳伯通題

高風許魯齋先生告安神位文

道續考亭文傳正詠羽翊當代垂憲後學節忝職藩省旬宣懷慶拜謁祠下瞻遺容而缺神主此心慙然爰發虔忱以制作用卜吉辰以妥位伏希先生有神尚默相斯文於永久也謹告

布政使司叅政西蜀眉州吳節書

昔讀遺書今謁祠中州文獻係於斯仕非爲祿屢辭祿道在居夷能變夷玉質金聲元氣會太山喬嶽國人師晚生遊宦先生里善教流風幸淑私

膠東鄧中和

道在乾坤若水流斷焉復續仰前休一從伊洛相承
後賴有先生世教謀

鄂渚晚生宰廷俊

乾坤已換宋山川閩洛茫茫墮正傳不有先生挑擔
子中原文物竟腥膻

西蜀後學冷宗元

寓渭南侍生彭澤頓首拜啓

大中丞梧山老先生大人藁素仰

高風不啻山斗雖同官朝署而各勤職務未遂親炙二十餘年以來傾仰徒

切面晤無由自

節鉞撫鎮中州屢承

翰教至於振憲度嚴官箴恤民隱剔奸弊威惠
丕著政教兼施吾儒体用之學可謂克副聖賢
先正之垂訓矣且拳拳與巡按御史同心協德
於興革舉措之間而藩臬三司諸重臣心悅誠
服奔走不暇以共造一方官吏軍民之福尤爲
得體曷勝敬仰不才衰病失職荷蒙

聖恩放歸田里道出衛源盛暑中冒雨屈

尊遠勞枉顧清教盛作佩服未盡而厚燕佳貺

勞費尤多竟不審不才如澤若爲致此而若爲
圖報耶况遣人導之出疆沿途府衛州縣驛遞
官吏祇承不才亦未識夫鄉商
鈞令迎送惟謹弟有過於奉承者何感如之過
懷慶河南二府得三區需重
臺下查處先賢祠墓以隆風教公移捧誦至四
三嘆敬服此蓋近年不才亦未識夫鄉商
巡撫所未暇及者其於風化人才之裨益曷其
有計也耶有宋程邵諸大儒尚矣至於元儒魯
齋許文正公資稟造詣已幾乎聖踐履篤實出

處分明薛文清公以爲善學孔子又曰朱子以
後一人而已至於致君澤民用夏變夷一一見
諸實用殊非淺學俗儒所能擬議當時謂南有
吳澄北有許衡以著述則草廬先生爲多以踐
履出處恐非草廬所可班也而瓊臺丘公力詆
其非過矣至於我

朝一代文明之盛經濟之學莫盛於誠意伯劉公潛
溪宋先生至於道學之傳則斷自浣池月川曹
先生始也先生少負奇質知讀書即慕聖賢之
學脩己教人治家事親奉先化俗率自躬行心

得以推行之爲霍蒲二庠學正三典陝西文衡
四方學者從之甚衆虛往實歸各有成就河東
薛文清公最推尊之先生再典霍庠教也霍人
事先生如父母既而卒於霍遂留葬於彼吾蘭
翰林編脩卓菴黃先生過澠池拜其祠而詢其
墓所僉曰在霍卓菴嘆曰狐死正丘首老先生
一代名儒魂魄獨不思故鄉乎遂捐貲屬縣尹
並乃郎琇等移葬澠池今其子孫有爲省祭官
監生者而其所著書不暇千種藏於家亦有刊
行傳布者生以爲魯齋從祀

先師孔子廟庭覃懷祠墓人知尊重獨所著述未成
全書而懷慶城中亦缺坊牌生以爲此當責之
守令學職搜集老先生所著魯齋大學並性理
大全所取語錄及家譜並魯齋遺書併集奉上
臺下再付提學憲使編次校正爲魯齋全書亦
盛舉也或曰有魯齋研幾圖是書往年曾見今
亦忘之恐金華魯齋王氏所著非老先生書也
請

尊裁之魯齋之學上承程朱縱覃懷城中建魯
齋闕里一坊於其祠前亦未爲過也至於澠池

曹先生子孫則門祚衰薄遺書亦恐久而散亡
矣使先賢所傳足以承先聖而開來學者泯沒
無聞吾黨知而不行殊不若不知之爲愈也謂
於渙池建一正學坊以表章之而盡錄其所遺
書一體編次校正發河南府分擇賢守令遽給
所費而刊行之又斯文之幸也生忝以全書亦
臺下查處先賢祠墓之行非生輩所易及而生
獨舉二老先生者又平生所真知而實慕之者
幸而刻於石亦臺下有此盛舉不日大拜柄用借寇無由失此

機會當遺恨終身也生以衰廢不能上報

聖恩負古聖賢之教多矣願感仰

教愛欽慕風采不敢以踈遠林下腐材自棄於
大賢君子之門故因脩謝敢以是瑣瑣奉瀆焉
萬惟體諒不罪也乞便中不吝

教音荷感

正德十二年八月初六日生澤再拜

魯齋全書之刊行因

巡撫河南都御史西蜀李老大人

查處先賢祠

墓以隆風教之舉故來陝右

幸庵彭老先生大人脩是啓瀆責官繙次校正
之所成也河內教諭宰廷俊不沒其善故錄于
左以示後之君子



旨齋全書卷之七終

